



20 19-yil « 22 » 11

№ 08-634

« » 20 года

Хужжат ижроси тўғрисида

Ўзбекистон Республикаси олий ва ўрта махсус таълим вазирининг 2019 йил 11 ноябрдаги “Маърифатли ёшлар – юрт кўзгуси” ҳамда “Мен шу азиз Ватан фарзандиман” шиорлари остида туркум маънавий-маърифий тадбирларни ўтказиш тўғрисида”ги 1043-сон буйруғида белгиланган вазифалар ижросини таъминлаш мақсадида

Б У Ю Р А М А Н:

1. Ўзбекистон Республикаси олий ва ўрта махсус таълим вазирининг 2019 йил 11 ноябрдаги 1043-сон буйруғи маълумот ва ижро учун қабул қилинсин.

2. Буйруқ билан қуйидагилар:

Ўзбекистон Республикаси Президенти маслаҳатчиси томонидан тасдиқланган “Маърифатли ёшлар – юрт кўзгуси” ҳамда “Мен шу азиз Ватан фарзандиман” шиорлари остида туркум маънавий-маърифий тадбирларни ўтказиш бўйича намунавий “Йўл харита”лари ижро учун қабул қилинганлиги;

“Маърифатли ёшлар – юрт кўзгуси” шиори остида туркум маънавий-маърифий тадбирларни ўтказиш бўйича намунавий “Йўл харита”си ижроси бўйича Олий ва ўрта махсус таълим вазирлигининг Назорат режаси;

“Мен шу азиз Ватан фарзандиман” шиори остида туркум маънавий-маърифий тадбирларни ўтказиш бўйича намунавий “Йўл харита”си ижроси бўйича вазирликнинг Назорат режаси;

олий таълим муассасаларида ижтимоий-маънавий муҳитни янада соғломлаштириш мақсадида туркум маънавий-маърифий тадбирларни ўтказиш ва уларни мувофиқлаштириб бориш ҳамда маънавий-маърифий ишлар индикаторларини ишлаб чиқиш ва жорий қилиш бўйича Республика ишчи гуруҳи таркиби;

“Жонажон Ўзбекистоним, мангу бўл омон!” шиори остида Республика талаба-ёшлар фестивалини юқори савияда ташкил этиш жараёнида фаол иштирок этган, бир ойлик маоши миқдорида моддий рағбатлантириш тавсия этилаётган проректорлар ҳамда профессор-ўқитувчи, ходим ва талабалар рўйхати;

Қорақалпоғистон Республикаси, Тошкент шаҳри ва вилоятлардаги маҳалла, мактаб, коллеж ва лицейларда “Маърифатли ёшлар – юрт кўзгуси” ҳамда “Мен шу

азиз Ватан фарзандиман” шиори остида тадбирлар ўтказувчи республика тарғибот гуруҳи таркиби;

“Мен шу азиз Ватан фарзандиман” шиори остида ижтимоий видео ва аудиороликларни тайёрлаш бўйича Ишчи гуруҳи тасдиқланганлиги маълумот учун қабул қилинсин.

3. “Маърифатли ёшлар – юрт кўзгуси” ҳамда “Мен шу азиз Ватан фарзандиман” шиори остида ўтказиладиган тадбирлар учун ижтимоий видео ва аудиороликларни тайёрлаш бўйича ишчи гуруҳи таркибига университет Ёшлар билан ишлаш бўйича проректори Д.Умаров киритилганлиги инобатга олинсин.

4. Маънавият ва маърифат маркази (Ш.Пўлотов) курс деканлари билан биргаликда:

бир ҳафта муддатда “Йўл харита”ларида белгиланган вазифалар ижроси ўз муддатларда бажарилишини таъминлаш мақсадида университетнинг чора-тадбирлар режасини ишлаб чиқсин ва тасдиқлаш учун киритсин;

университетда иқтидорли талабалардан иборат тарғибот гуруҳларини шакллантирсин ҳамда маҳалла, мактаб, коллеж ва лицейларда “Маърифатли ёшлар юрт кўзгуси” ҳамда “Мен шу азиз Ватан фарзандиман” шиори остида тарғибот тадбирларини ташкил этсин;

бажарилган ишлар бўйича ахборотни ҳар ойнинг 25 санасига қадар вазирлик ҳузуридаги Маънавият ва маърифат марказига умумлаштириш учун тақдим этиб борсин;


мазкур буйруқдан хизмат фаолиятини ташкил этиш жараёнида фойдалансин ҳамда унинг мазмун-моҳиятини ходимлар ва талабаларга етказсин.

5. Республика талаба-ёшлар фестивалини юқори савияда ташкил этиш жараёнида фаол иштирок этгани учун университет ёшлар билан ишлаш бўйича проректори Д.Умаров ва Маънавият ва маърифат маркази раҳбари Ш. Пўлотов бир ойлик маоши миқдорида моддий рағбатлантиришга тавсия этилганлиги қайд этилсин.

6. Бош бухгалтер А. Иминов ёшлар билан ишлаш бўйича проректор Д. Умаров ва Маънавият ва маърифат маркази раҳбари Ш. Пўлотовга университетнинг бюджетдан ташқари маблағлари ҳисобидан бир ойлик маоши миқдорида пул мукофоти берилишини таъминласин.

7. Ушбу буйруқ ижросини назорат қилишни ўз зиммамда қолдираман.

Адлия вазири
Ўринбосари – ректор



Р. Ҳакимов